

ADDENDA NÚM. 1 E PRÓRROGA DO CONVENIO DE COLABORACIÓN ENTRE A CONSELLERÍA DE VIVENDA E PLANIFICACIÓN DE INFRAESTRUTURAS, AXENCIA GALEGA DE INFRAESTRUTURAS E O CONCELLO DE BAIONA PARA O FINANCIAMENTO DAS OBRAS DA FASE II DA HUMANIZACIÓN DA TRAVESÍA INTERIOR DE SABARÍS

REUNIDOS

Por unha banda, María Martínez Allegue, en nome e representación da Consellería de Vivenda e Planificación de Infraestruturas, actuando no exercicio do seu cargo, en virtude do Decreto 44/2024, do 14 de abril (DOG núm. 73 do 14 de abril) e en función das atribucións que lle confire o artigo 34.10 da Lei 1/1983, do 22 de febreiro, reguladora da Xunta e da súa presidencia, e como presidenta da Axencia Galega de Infraestruturas, consonte co Decreto 173/2011, do 4 de agosto, polo que se aproba o estatuto da Axencia Galega de Infraestruturas.

Doutra parte, Jesús Vázquez Almuíña, alcalde-presidente do Concello de Baiona, no exercicio das atribucións conferidas no artigo 21 da Lei 7/1985, do 2 de abril, reguladora das bases do réxime local.

Ambas as partes recoñécense mutuamente, na calidade na que interveñen, capacidade legal suficiente para o outorgamento deste convenio e para o efecto,

EXPOÑEN

I.- Con data do 22 de xaneiro de 2025, asinouse un Convenio de colaboración entre a Consellería de Vivenda e Planificación de Infraestruturas, a Axencia Galega de Infraestruturas e o Concello de Baiona para a execución das obras da Fase II da humanización da travesía interior de Sabarís: actuación no tramo da rúa Julián Valverde, dende o cruce coa rúa José Pereira Troncoso ata a rotonda da rúa Porta do Sol

II.- Na cláusula segunda do convenio establécense os compromisos da Xunta de Galicia para levar a cabo as actuacións:

SEGUNDA.- COMPROMISOS DA XUNTA DE GALICIA

1. A Xunta de Galicia asume os seguintes compromisos:

- A través da Consellería de Vivenda e Planificación de Infraestruturas:

Contribuír ao financiamento das actuacións descritas na cláusula primeira, cunha achega como máximo dun millón douscentos setenta e tres mil douscentos corenta euros con noventa e un céntimos (1.273.240,91 €), IVE engadido, equivalente ao 70% do custo de execución das obras, con cargo a aplicación orzamentaria 11.03.521A.762.0, código de proxecto 2025 00167, dos



orxamentos xerais da Comunidade Autónoma, distribuídos nas seguintes anualidades:

- 2025: 636.620,45 €
- 2026: 636.620,46 €

- A través da Axencia Galega de Infraestruturas asume a obriga de financiar a execución das actuacións obxecto deste acordo, cunha achega de cincocentos corenta e cinco mil seiscentos setenta e catro euros con sesenta e sete céntimos (545.674,67 €), equivalente ao 30 % do orzamento total deste acordo, con cargo á aplicación orzamentaria, 11.A1.512B.760.0, código de proxecto 1999 06714, distribuídos nas seguintes anualidades:

- 2025: 272.837,33 €
- 2026: 272.837,34 €

Este acordo tramítase ao abeiro do establecido na Orde do 11 de febreiro de 1998, da Consellería de Economía e Facenda reguladora da tramitación anticipada de gasto, cuxo artigo 3.1 dispón que na tramitación anticipada de expedientes de subvencións poderá chegarse como máximo ata o momento inmediatamente anterior á disposición ou compromiso de gasto, quedando condicionada a súa eficacia á existencia de crédito adecuado e suficiente para financiar as obrigas derivadas deste convenio nos exercicios orzamentarios correspondentes.

A achega correspondente ao ano 2025 terá a consideración de anticipo.

Esta axuda, de acordo co disposto no artigo 40.1º, letra d) do Decreto 11/2009, declárase compatible, no seu caso, con outras achegas, axudas ou subvencións que a entidade beneficiaria destine á execución das actuacións que se describen na cláusula primeira. Non obstante, a suma total de todas elas non poderá superar o 100% do orzamento total que require a actuación. Neste caso, a axuda establecida neste convenio reducirase ata acadar o cumprimento establecido anteriormente.

Logo da adxudicación dos contratos que se celebren para a execución das actuacións necesarias para o cumprimento do obxecto do presente convenio, as baixas que, de selo caso, resulten minorarán o importe da subvención.

2. A Consellería de Vivenda e Planificación de Infraestruturas asumirá, ata o límite establecido no apartado 1 desta cláusula, o custo da execución das obras, unha vez que polo concello se presenten as correspondentes certificacións de execución dos traballos. Os aboamentos parciais que se efectúen, non superarán o 80% da porcentaxe subvencionable, nin excederán da anualidade correspondente ao exercicio orzamentario.

3. A Consellería de Vivenda e Planificación de Infraestruturas resérvase o dereito de inspeccionar a execución dos traballos en calquera momento, durante a súa execución.



4. Para os efectos do previsto no artigo 27 da Lei 9/2007, do 13 de xuño, de subvencións de Galicia, autorízase ao Concello de Baiona, beneficiario da subvención, para que subcontrate ata o 100% das obras obxecto de subvención. Tal autorización considérase concedida sen prexuízo, se é o caso, do cumprimento das previsións que establecen os números 3º e seguintes do devandito artigo 27.

III.- A cláusula terceira, entre os compromisos do concello, no apartado 7 (ii) dispón:

(ii) *Certificación ou acto de aprobación/conformidade do órgano municipal competente; e declaración, de ser o caso, sobre a obtención doutras subvencións, axudas, ingresos ou recursos que financien as actividades subvencionadas.*

Así mesmo, deberá achegarse polo Concello:

- Declaración responsable de atoparse ao corrente no cumprimento das obrigas tributarias e fronte á Seguridade Social e de non ter pendente de pago algunha outra débeda coa Administración pública da Comunidade Autónoma, así como unha declaración responsable de non estar incurso en ningunha das prohibicións para obter a condición de beneficiario, establecidas no artigo 10 da Lei 9/2007, do 13 de xuño, de subvencións de Galicia, de conformidade co disposto nos artigos 11 e 13 do regulamento da dita lei, aprobado polo Decreto 11/2009, do 8 de xaneiro.

- Reportaxe fotográfica na que se constate a execución das obras obxecto de convenio, así como a colocación do cartel de obra ao que se fai referencia no apartado 4.

- Indicación do número de conta para o ingreso dos fondos e xuntar unha declaración responsable da veracidade dos datos relativos á dita conta.

A data límite de presentación da referida documentación de xustificación do gasto establécese no día 30 de novembro de 2026. Non obstante, os gastos imputados ao anticipo do ano 2025 deberán estar realizados antes do 31 de decembro de 2025, sen prexuízo de que se xustifiquen na anualidade 2026.

Para a presentación electrónica poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave365 (<https://sede.xunta.gal/chave365>). Estes formularios só terán validez se están debidamente asinados polo representante legal da entidade correspondente ou persoa debidamente acreditada.

IV.- A cláusula décimo terceira do acordo establece a vixencia do convenio nos seguintes



termos:

O presente convenio producirá efectos a partir da data da súa sinatura e estará vixente ata o 31 de decembro de 2026, sen prexuízo de que ambas as partes acorden unánimemente unha prórroga por un período máximo dun ano adicional en calquera momento antes da finalización do prazo de vixencia, en cumprimento das previsións recollidas no artigo 49. h) da Lei 40/2015.

V.- O día 13 de outubro de 2025 tivo entrada na Dirección xeral de Urbanismo un escrito do Concello de Baiona solicitando o reaxuste das anualidades anteditas, posto que diversas circunstancias de índole técnica e os prazos determinados para a contratación e adxudicación das obras que constitúen o obxecto do convenio, impediron a materialización das execucións previstas para o exercicio orzamentario de 2025.

A Comisión de seguimento, segundo consta na acta da súa reunión do 22 de outubro de 2025, e á vista do exposto no escrito do concello formula unha proposta de reaxuste das anualidades de financiamento das actuacións obxecto do convenio.

VI.- Polo exposto, procede modificar as cláusulas segunda, o apartado 7 (ii) da terceira e a décimo terceira do convenio para adaptar as achegas á realidade da execución dos traballos.

A modificación consiste na reasignación das anualidades previstas no convenio, o cal non implica a variación do número de exercicios orzamentarios respecto dos establecidas no acordo inicial. Polo tanto, segundo o disposto no artigo 47 Dous da Lei 4/2024, do 27 de decembro, de orzamentos xerais da Comunidade Autónoma de Galicia para o 2025, a formalización da addenda non require a autorización previa do Consello da Xunta de Galicia.

En consecuencia, as partes acordan subscribir a Addenda núm. 1, para a modificación e ampliación da vixencia do convenio que se rexerá polas seguintes

CLÁUSULAS

Primeira.- Modificación da cláusula segunda:

1. A Xunta de Galicia asume os seguintes compromisos:

- A través da Consellería de Vivenda e Planificación de Infraestruturas:

Contribuír ao financiamento das actuacións descritas na cláusula primeira, cunha achega como máximo dun millón douscentos setenta e tres mil douscentos corenta euros con noventa e un



céntimos (1.273.240,91 €), IVE engadido, equivalente ao 70% do custo de execución das obras, con cargo a aplicación orzamentaria 11.03.521A.762.0, código de proxecto 2025 00097, dos orzamentos xerais da Comunidade Autónoma, distribuídos nas seguintes anualidades:

- 2026: 636.620,46 €
- 2027: 636.620,45 €

- A través da Axencia Galega de Infraestruturas asume a obriga de financiar a execución das actuacións obxecto deste acordo, cunha achega de cincocentos corenta e cinco mil seiscentos setenta e catro euros con sesenta e sete céntimos (545.674,67 €), equivalente ao 30 % do orzamento total deste acordo, con cargo á aplicación orzamentaria, 11.A1.512B.760.0, código de proxecto 1999 06714, distribuídos nas seguintes anualidades:

- 2026: 272.837,34 €
- 2027: 272.837,33 €

Esta axuda, de acordo co disposto no artigo 40.1º, letra d) do Decreto 11/2009, declárase compatible, no seu caso, con outras achegas, axudas ou subvencións que a entidade beneficiaria destine á execución das actuacións que se describen na cláusula primeira. Non obstante, a suma total de todas elas non poderá superar o 100% do orzamento total que require a actuación. Neste caso, a axuda establecida neste convenio reducirase ata acadar o cumprimento establecido anteriormente.

Logo da adxudicación dos contratos que se celebren para a execución das actuacións necesarias para o cumprimento do obxecto do presente convenio, as baixas que, de selo caso, resulten minorarán o importe da subvención.

2. A Consellería de Vivenda e Planificación de Infraestruturas asumirá, ata o límite establecido no apartado 1 desta cláusula, o custo da execución das obras, unha vez que polo concello se presenten as correspondentes certificacións de execución dos traballos. Os aboamentos parciais que se efectúen, non superarán o 80% da porcentaxe subvencionable, nin excederán da anualidade correspondente ao exercicio orzamentario.

3. A Consellería de Vivenda e Planificación de Infraestruturas resérvase o dereito de inspeccionar a execución dos traballos en calquera momento, durante a súa execución.

4. Para os efectos do previsto no artigo 27 da Lei 9/2007, do 13 de xuño, de subvencións de Galicia, autorízase ao Concello de Baiona, beneficiario da subvención, para que subcontrate ata o 100% das obras obxecto de subvención. Tal autorización considérase concedida sen prexuízo, se é o caso, do cumprimento das previsións que establecen os números 3º e seguintes do devandito artigo 27.



Segunda.- Modificación do apartado 7 (ii) da cláusula terceira:

(ii) Certificación ou acto de aprobación/conformidade do órgano municipal competente; e declaración, de ser o caso, sobre a obtención doutras subvencións, axudas, ingresos ou recursos que financien as actividades subvencionadas.

Así mesmo, deberá achegarse polo Concello:

- Declaración responsable de atoparse ao corrente no cumprimento das obrigas tributarias e fronte á Seguridade Social e de non ter pendente de pago algunha outra débeda coa Administración pública da Comunidade Autónoma, así como unha declaración responsable de non estar incurso en ningunha das prohibicións para obter a condición de beneficiario, establecidas no artigo 10 da Lei 9/2007, do 13 de xuño, de subvencións de Galicia, de conformidade co disposto nos artigos 11 e 13 do regulamento da dita lei, aprobado polo Decreto 11/2009, do 8 de xaneiro.

- Reportaxe fotográfica na que se constate a execución das obras obxecto de convenio, así como a colocación do cartel de obra ao que se fai referencia no apartado 4.

- Indicación do número de conta para o ingreso dos fondos e xuntar unha declaración responsable da veracidade dos datos relativos á dita conta.

A data límite de presentación da referida documentación de xustificación do gasto establécese no día 30 de novembro de cada unha das anualidades de convenio.

Para a presentación electrónica poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave365 (<https://sede.xunta.gal/chave365>). Estes formularios só terán validez se están debidamente asinados polo representante legal da entidade correspondente ou persoa debidamente acreditada.

Terceira.- Modificación da cláusula décimo terceira:

O presente convenio producirá efectos a partir da data da súa sinatura e estará vixente ata o 31 de decembro de 2027.

Cuarta.- Publicidade e rexistro

A sinatura da presente addenda suporá o consentimento expreso das partes asinantes para incluír e facer públicos os datos persoais que consten nela, e mailo resto de especificacións contidas na mesma, de conformidade co artigo 15 da Lei 1/2016, do 18 de xaneiro, de transparencia e bo goberno (DOG núm. 30 do 15 de febreiro) e o Decreto 126/2006, do 20 de



xullo, polo que se regula o rexistro de convenios da Xunta de Galicia (DOG núm. 149 do 3 de agosto).

Quinta.- Protección de datos de carácter persoal

As partes asinantes obríganse ao cumprimento do Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos), da Lei Orgánica 3/2018, de 5 de decembro, de protección de datos persoais e garantía dos dereitos dixitais, e demais normativa vixente de aplicación en cada momento en materia de protección de datos.

E para que así conste, de conformidade con canto antecede, no exercicio das atribucións de que son titulares os asinantes, e obrigando con iso ás Administracións que representan, asinan dixitalmente o presente acordo na data sinalada.

Pola Xunta de Galicia,
A conselleira de Vivenda e Planificación de Infraestruturas e presidenta da Axencia Galega de Infraestruturas, María Martínez Allegue

Polo Concello de Baiona
O alcalde-presidente, Jesús Vázquez Almuíña

